

27. juli 2016

Inatsisartut Suleriaasianni § 37 naapertorlugu matumuuna apeqquutit imaattut Naalakkersuisunut saqqummiuppakka:

**Apeqquutit:**

- 1. Kommunit periarfissaqarpat isumaqatigiissutit naapertorlugit atorfeqartitat qaffasinnerusumik akissaasersussallugit? Taamaangippat: Tamanna Naalakkersuisut Kommunit /Kanukoka akornanni isumaqatigiissutaannik toqqammaveqarpa, immaqaluunniit inatsit immikkuullarissiq toqqammaviua?**
- 2. Tjenestemanditut atorfeqartitat Kalaallit Nunaanni Namminersornerullutik Oqartus-sat kommuninilu tjenestemandit pillugu Inatsisissaanni § 47, imm. 1 naapertorlugu kommunit atorfilittaminnut qaffasinnerusumik akissaateqartitsinissaminnut periarfissaqartinneqarpat? Taamaangippat: Inatsit pineqartoq killilersuiva immaqaluunniit allanik patsiseqarpa?**
- 3. Susoqarneratigut kommunit inuttut ataasiakkaatut isumaqatigiissusiornikkut atorfeqartitsisinnaappat, ataatsimoorussamik isumaqatigiissutit atunngikkaluarlugit?**

(Inatsisartuni ilaasortaq Suka K. Frederiksen, Siumut)

**Tunngavilersuut:**

Qanittumi nunatsinni tusagassiutitigut atuarneqarsinnaavoq Kommune Kujalleq pisortatigoortumik Aningaasaqarnermut Naalakkersuisoqarfimmut saaaffiginnissimasoq saafiginninnerminni kaammattuutigalugu kommunini atorfilittat aalajangersimasut isumaqatigiissutit avataatigut qaffasinnerusumik akissaasersorsinnaaleqqullugit.

Tamassumunnga toqqammaviuvoq kommunini atorfinitsitsiniartarnerup ajornarsinnaanera, s.a. inulerisut ilinniartitsisullu, pingaartumik tamanna Nuup avataani ajornartorsiutaalluni.

Ajornartorsiutit qaangerneqarsinnaassagunarput kommunit qaffasinnerusumik akissaasersuisinnaagaluarpata, ilaatigut sumiiffimmut tapeq immaqaluunniit allatigut aggornisiamik tunineqarsinnaagaluarpata.

Tusagassiutitigut sammineqarnerani ersarinngilaq suna kommuninut aporfittut isigineqarner-soq: Isumaqatigiissutiniinnersoq, inatsisiniinnersoq immaqaluunniit kommunit/Kanukoka Naalakkersuisullu akunnerminni isumaqatigiissutaatigut aporfeqarner-soq.

Apeqquuteqaatikka tassunga ersarissaataasussatut saqqummiuppakka.